

# HAIWAN FASIQ MENURUT PERSPEKTIF AL QURAN DAN AS SUNNAH

**Nur Ezzati Binti Anizam\*,  
Ifrah Hanani Binti Basorudin,  
Wirda Binti Azlan**

*Fakulti Pengajian Al Quran dan Sunnah, Universiti Sains Islam Malaysia, 71800 Nilai, Negeri Sembilan*

**Abstrak:** Zaman kini terus beredar mengikut kemajuan global, al-Quran dan hadis dilihat tetap realistik bagi memberi kefahaman kepada umat Islam dalam pelbagai aspek kehidupan. Al-Quran bukan sahaja membicarakan hubungan manusia dengan Allah SWT dan sesama manusia, malah turut merangkumi perihal dengan makhluk hidup yang lain. Hal ini dikatakan demikian kerana di dalam surah al-Maidah (5): 95, secara kasarnya ada menyebutkan hubungan antara orang yang berihram dengan haiwan. Maka, jika diteliti dengan lebih lanjut, terdapat beberapa kelompok haiwan di dalam Islam yang perlu difahami dalam menilai skop interaksi antara orang yang berihram dengan haiwan. Antara yang tergolong dalam kategori itu ialah kelompok haiwan fasiq. Hal ini sangat penting kerana sudut perbahasan tidak hanya terhad bagi orang berihram, bahkan turut digunakan bagi orang Muslim yang lain. Malah, pandangan al quran dan hadis berkaitan haiwan fasiq amat berbeza dengan pandangan masyarakat kini. Sehubungan itu, kajian ini akan merungkaikan perbahasan berkaitan haiwan fasiq menurut perspektif al quran dan hadis serta rumusan fuqaha' mengikut aspek hubungannya dengan orang Muslim.

**Kata Kunci:** Haiwan fasiq, perspektif Al Quran dan Sunnah, Muslim

## Pendahuluan

Al-Quran ialah kalam Allah yang diwahyukan kepada Nabi Muhammad SAW. Wahyu ini memberikan lebih banyak panduan bagi seluruh umat manusia untuk memahami Islam, dan memberikan panduan dalam menghayati pelbagai kisah dan mehnah dalam menghadapi segala ranjau kehidupan. Al-Quran adalah bukti bahawa Allah menyatakan kebenaran kepada manusia melalui mukjizat. Dalam Al-Quran, bukan hanya manusia dan jin sahaja yang dibicarakan, bahkan Allah SWT juga membicarakan tentang haiwan yang terpilih dalam Al-Quran. Ini bermaksud bahawa haiwan terpilih ini bukan hanya merupakan bahagian dari ciptaannya, tetapi juga mempunyai fungsi atau peranan tertentu dalam kehidupan manusia.

Di samping itu, haiwan-haiwan di muka bumi ini sememangnya makhluk ciptaan Allah SWT. Allah menciptakan tiap sesuatu itu pasti ada sebabnya yang tersendiri. Bukan itu sahaja, haiwan juga turut mempunyai hak-hak yang wajib dipenuhi. Haiwan dan manusia sememangnya ada perkaitan, kedua-duanya saling memerlukan antara satu sama lain. Malahan, Allah SWT mengurniakan ilham kepada haiwan yang dikehendaki-Nya untuk memberi pengajaran kepada manusia.

Dalam Islam, Nabi Muhammad SAW ada menjelaskan menyuruh supaya manusia menjauhi malah dibenarkan untuk membunuh beberapa haiwan yang boleh menyebabkan kemudaratan. Antaranya ialah cicak, ular, anjing, burung helang, burung gagak, tikus, kala jengking dan sebagainya. Haiwan *fasiq* adalah apa yang disebut oleh Nabi Muhammad SAW sebagai kumpulan haiwan yang melampaui batas manusia. Haiwan *fasiq* tidak terhad kepada lima hingga tujuh haiwan. Ia meliputi haiwan yang bersifat seumpamanya. Ini sepertimana dalam sebuah hadis yang diriwayatkan daripada Aisyah RA, Nabi SAW bersabda:

عن عائشة رضي الله عنها أن رسول الله صلى الله عليه وسلم قال: "خمس من الدواب كلهن فواسق، يُقتلن في الحرم: الغراب، والحدأة، والعقرب، والفأرة والكلب العقور".

[Al-Bukhari (3314) dan Muslim (1198)]

Maksudnya:

*"Lima haiwan fasiq dan boleh dibunuh di tanah haram iaitu: tikus, kala jengking, burung helang, burung gagak, dan anjing gila atau ganas."*

Pemahaman atau pendedahan haiwan *fasiq* perlu di ketengahkan dalam kajian ini. Sebagai contoh, kisah tentang seekor cicak yang digambarkan sebagai binatang yang tidak taat dan jahat dalam sejarah Nabi Muhammad SAW. Dikatakan bahawa cicak ini membantu menyalakan api yang dibakar oleh Nabi Ibrahim AS dan memberitahu kedudukan baginda kepada kaum Quraisy ketika peristiwa hijrah. Bukan hanya itu,

sunnah membunuh cicak pada malam Jumaat. Kisah ini berasal dari warisan nenek moyang dan tidak berdasarkan nas yang sahih. Persoalannya, apakah ada di antara kita yang tahu apa yang dimaksudkan dengan haiwan yang digelar *fasiq* ini dan cara terbaik untuk membunuhnya.

Firman Allah SWT di dalam Surah Al-An'am, (6:68):

وَإِذَا رَأَيْتَ الَّذِينَ يَخُوضُونَ فِي آيَاتِنَا فَأَعْرِضْ عَنْهُمْ حَتَّىٰ يَخُوضُوا فِي حَدِيثٍ غَيْرِهِ ۗ وَإِمَّا يُنسِيَنَّكَ الشَّيْطَانُ فَلَا تَقْعُدْ بَعْدَ الذِّكْرِىٰ مَعَ  
الْقَوْمِ الظَّالِمِينَ

Maksudnya:

*“Dan tiadalah haiwan-haiwan yang ada di bumi dan burung-burung yang terbang dengan kedua sayapnya, melainkan umat-umat seperti kamu. Tiadalah Kami alpakan sesuatu pun di dalam Al-Kitab (Al-Quran), kemudian kepada Tuhanlah mereka dihimpunkan.”*

Seterusnya, terdapat sebahagian kes yang berpunca daripada haiwan-haiwan *fasiq* ini. Bahaya dan ancaman kelompok haiwan ini membawa kepada bermacam-macam jenis penyakit. Penyakit yang dibawa oleh haiwan *fasiq* ini telah menjangkiti manusia sehingga ada yang membawa kepada kematian.

عن عبد الله بن عمرو أن رسول الله صلى الله عليه وسلم قال: ما من إنسان قتل عصفورا فما فوقها بغير حقها إلا سأل الله عز وجل عنها قيل يا رسول الله وما حقها؟ قال: يذبحها فيأكلها ولا يقطع رأسها يرمي بها

[An-Nasai': 4349]

Maksudnya:

*“Tidakkah seseorang manusia membunuh seekor burung atau yang lebih daripada itu tanpa hak kecuali Allah akan menyualnya berkenaan burung itu. Lalu Baginda ditanya “Apakah haknya wahai Rasulullah? “Baginda menjawab, “Hendaklah menyembelihnya lalu memakannya, dan jangan memotong kepalanya lalu dibuangnya.”*

Perkara seperti ini sebenarnya akan membawa banyak kesan negatif kepada manusia. Oleh itu, haiwan seperti ini harus dibunuh, kerana tidak hanya mendatangkan bahaya kepada manusia, malahan membawa bahaya kepada haiwan, persekitaran, kesihatan dan aspek-aspek yang lain. Ini juga boleh diqiaskan kepada haiwan lain yang boleh memberi bahaya kepada manusia seperti tebu, lipan, labah-labah beracun, ular, buaya dan seumpamanya. Ia harus difahami dengan jelas, bermula dari jenis haiwan, mengapa haiwan ini disebut sebagai haiwan “*fasiq*”. Sekiranya isu yang berkaitan dengan binatang *fasiq* masih dipandang enteng oleh masyarakat, maka perkara ini boleh membahayakan manusia dan persekitaran.

Oleh hal yang demikian, pengkaji merasa tertarik untuk mengkaji kalimah *fasiq* tersebut. Kajian dan kefahaman ini penting agar kita bijak menyelesaikan dan mengawal keadaan sekiranya bertemu haiwan

yang digelar *fasiq* dan seorang muslim yang bijak, tidak akan membiarkan dirinya menyiksa binatang sesuka hati meskipun haiwan tersebut liar tanpa berusaha mencari jalan yang terbaik untuk membunuh binatang tersebut.

## Metodologi Kajian

Metodologi kajian bermaksud merancang atau menghasilkan perancangan umum berkaitan dengan penyelidikan yang ingin dilakukan. Hal ini bertujuan adalah untuk mengumpul data yang tepat bagi menghasilkan satu fakta yang berkualiti yang memberi manfaat kepada semua orang. Justeru itu, pengkaji telah menggunakan penyelidikan kualitatif iaitu dengan menggunakan kaedah pengumpulan data, kajian perpustakaan dan kajian dokumentasi bagi menyempurnakan kajian ini.

### Definisi Fasiq

Dalam Islam sangat ditekankan mengenai berbuat ihsan terhadap haiwan. Jadi, perlu untuk kita mengupas dengan lebih mendalam agar kita tidak mudah membunuh haiwan sesuka hati dan tidak meringankan sesuatu perkara supaya tidak timbul kekeliruan berkaitan perbezaan haiwan perosak dan haiwan *fasiq*.

*Fasiq* berasal dari akar kata *fasaqa-yafsiqu yafsuqu-fisqan-fusuqan* (Ibn Manzur, 1997). Secara etimologinya, terdapat enam definisi kalimah *fasiq* dalam ungkapan Arab. Pertama, *fasiq* membawa maksud keluar dari sesuatu atau keluar menyimpang dari perintah. Kedua, *fasiq* menurut bahasa adalah tidak mempedulikan perintah Allah SWT. Ketiga, *fasiq* secara bahasa juga, dalam dialek masyarakat Arab adalah (أَخْرُجُ عَنِ الشَّيْءِ) yang bererti keluar dari sesuatu. Kerana itu, tikus gurun dinamakan (فُوَيْسِقَةٌ) kerana dia sering keluar dari tempat persembunyiannya. Oleh kerana itu, (أَلْفَأْرُ) (tikus) dikatakan (فُوَيْسِقٌ) kerana ia binatang kecil yang keluar dari sarangnya, buruk kelakuan, jahat, dan berdosa besar. Keempat pula adalah (فَسِقٌ) yang bermakna keluar dari ketaatan. Orang arab biasa mengatakan (قَشْرَهَا عَنِ فَسَقَتِ الرِّط) jika buah tamar (kurma) keluar atau terlepas dari kulitnya. Seterusnya, *fasiq* adalah sebutan untuk orang yang telah mengakui dan menjalankan syariat Islam kemudian merosak dan meruntuhkan pengakuannya dengan melakukan perbuatan-perbuatan yang menyimpang dari ketentuan syariat yang baik secara sebahagian atau keseluruhan. Keenam, *fasiq* pada umumnya adalah keluar dari pokok ajaran Islam dan keluar dari ketentuan-ketentuan syariat Islam sahaja. Sedangkan para ulama memiliki perbezaan pandangan tentang definisi *fasiq*.

Menurut Dr. Shalih bin Fauzan (2015), misalnya mengatakan bahawa sebelum memberikan definisi *fasiq* perlu dikelompokkan dalam dua bahagian iaitu ada *fasiq* yang masuk kategori kafir. Demikian pula orang munafik dan orang kafir disebut orang *fasiq*. Kerana dua golongan ini telah keluar dari ketaatan

kepada Allah. Kerana itu, Allah SWT menyifatkan iblis dengan firman-Nya di dalam Surah Al Kahfi, (18:50):

إِلَّا إِبْلِيسَ كَانَ مِنَ الْجِنِّ فَفَسَقَ عَنْ أَمْرِ رَبِّهِ

*Maksudnya:*

“Kecuali iblis (tidak mahu sujud), dia termasuk golongan jin, dan dia berbuat *fasiq* terhadap perintah Tuhannya.”

Maksud kalimah “dia berbuat *fasiq*” keluar dari ketaatan kepada-Nya dan tidak mengikuti perintahnya. Daripada definisi yang dikemukakan, pengkaji dapat menakrifkan makna kalimah *fasiq* dari sudut bahasa amat luas. Bukan itu sahaja, kalimah *fasiq* mempunyai pelbagai makna mengikut konteks penggunaan dalam sesuatu ayat. Oleh itu, *fasiq* boleh ditakrifkan sebagai keluar (*al-khuruji*) yakni menyimpang dari kebaikan dan cenderung kepada kemungkaran.

Secara terminologi, *fasiq* adalah mereka yang menyaksikan tetapi tidak percaya dan melaksanakan. Ini juga bererti melakukan maksiat, meninggalkan perintah-perintah Tuhan dan menyimpang dari jalan yang benar. Dalam istilah Islam bermaksud melepaskan diri dari ketentuan undang-undang Islam, melepaskan diri dari ketaatan kepada Allah SWT, melepaskan diri dari jalan yang benar, atau melepaskan diri dari perintah Tuhan, dan melepaskan diri dari petunjuk Tuhan. Konsep ini menunjukkan bahawa *fasiq* sebenarnya adalah pelanggaran peraturan Allah SWT. Dalam hal ini, bid'ah kadang-kadang disebut jahat. Hal ini kerana mereka telah membatalkan ketentuan undang-undang syariat Islam dan kerana akal dan fitrah manusia, mereka mengakui hal ini.

Terkandung di dalam Al-Quran bagi kalimah (فَسَقٌ) diulangi dua kali, iaitu dalam surah al-Maidah, ayat 3 dan surah al-An'am, ayat 121. Selain itu, bagi kalimah (فُسُوقٌ) diulangi sebanyak empat kali, iaitu dalam surah al-Baqarah, ayat 197, 282 dan surah al-Hujurat, ayat 7, 11. Selanjutnya, kalimah (فَاسِقٌ) dalam surah al-Hujurat, ayat 6 dan kalimah (فَاسِقًا) di dalam surah al-Sajdah, ayat 18 dan surah al-An'am, ayat 145. Akhir sekali, kalimah (فُسُوفٌ) dan (فُسَيْقِينَ) diulang sebanyak tiga puluh empat kali. (Zulkifli Yusof, 2013).

Pengkaji hanya akan menjelaskan maksud *fasiq* yang sesuai dengan kajian pengkaji iaitu dalam Al-Quran, surah al-Maidah (5):3 dan surah al-An'am (6):145, Allah SWT memerihalkan beberapa tindakan *fasiq* iaitu memakan bangkai binatang, darah, babi, ternakan yang disembelih selain daripada Allah SWT, binatang yang tercekik, binatang yang cacat akibat dipukul, binatang yang jatuh dari tempat tinggi, binatang yang mati akibat ditanduk, haiwan haiwan yang mati dimakan binatang buas. Jadi di dalam Al-Quran surah

al-An'am (6): 121, Allah SWT menyebut bentuk kefasikan yang lain, yaitu memakan haiwan yang disembelih tidak menyebut nama Allah SWT.

### **Fasiq Menurut Pandangan Ulama**

Imam Al-Ghazali dalam karyanya, Kitab *Mukasyafatul Qulub*, menyebutkan pengertian *fasiq* yang sering kita temukan dan kita dengar ketika orang membaca Al-Quran. Menurutnya, *fasiq* adalah orang yang berbuat derhaka, melanggar janji, serta keluar dari jalan hidayah, rahmat, dan ampunan-Nya. Imam Ghazali membahagikan orang *fasiq* ini kepada dua golongan, iaitu golongan *fasiq* kafir dan golongan *fasiq fajir*.

Golongan pertama, adalah golongan *fasiq* kafir yang mana tidak beriman kepada Allah SWT dan Rasulullah SAW. Golongan *fasiq* jenis ini dianggap keluar dari jalan kebenaran, menderhakai Allah SWT, serta masuk ke dalam kesesatan. Golongan yang *fasiq* kafir ini adalah orang bukan Islam yang tidak diampuni dosanya, kecuali melalui pernyataan dua kalimah syahadah dan beriman kepada Allah SWT. Jika tidak, maka dia diancam masuk neraka dan kekal di dalamnya.

Golongan kedua, adalah golongan *fasiq fajir* yang mana sudah Islam, namun tidak taat atas perintah dan larangan agama. Walaupun sudah beriman kepada Allah SWT, namun masih menuruti nafsu dan syahwatnya. Buktinya, golongan *fasiq fajir* adalah golongan yang meminum arak, makan makanan yang haram, berzina, menderhaka perintah Allah, keluar dari jalan ibadah lalu masuk ke dalam lembah kemaksiatan tetapi tidak menyekutukan-Nya.

Kemudian, menurut Imam *al-Qurtubi* dalam tafsirnya pula, *Al-Jami' li Ahkam al-Qur'an* ada mengutarakan berhubung penafsiran ayat ketiga surah Al-Maidah. Beliau menyatakan *fasiq* bermaksud keluar. Iaitu keluar dari syariat Islam. Keluar melanggar perintah Allah SWT, keluar tidak mengambil apa yang dibenarkan, dan menghalalkan apa yang dilarang oleh Allah SWT. Oleh itu, setiap perbuatan jahat adalah *fasiq* (dosa).

Ibn Kathir juga mengatakan bahawa orang *fasiq* adalah mereka yang melakukan kejahatan yang serius, melakukan penipuan, suka menyebarkan fitnah dan suka menyakiti. Allah SWT melarang umat Islam mengikuti jalan orang-orang yang *fasiq*. Hakikatnya, khabar berita yang dibawa oleh orang *fasiq* ini harus diselidik terlebih dahulu, dan janganlah mudah mempercayainya. Ini mungkin akan terdedah dengan fitnah, penipuan dan salah laku.

Dari perspektif para ulama, definisi *fasiq* secara istilahnya, pengkaji dapat membuat kesimpulan bahawa makna *fasiq* sebenarnya merangkumi semua makhluk yang Allah SWT ciptakan diatas muka bumi ini. Tidak kira sama ada kelompok manusia mahupun kelompok haiwan. Pengkaji hanya akan menfokuskan dalil dari surah al-Maidah dan surah al-An'am kerana dua surah ini menyumbang kepada kupasan dalam aspek haiwan.

## Dapatan Kajian

### Jenis-Jenis Haiwan Fasiq

Islam adalah agama yang penuh dengan kasih sayang. Islam mengajarkan umatnya untuk berlaku ihsan kepada semua makhluk, tidak kira orang Islam atau orang bukan Islam, termasuklah haiwan mahupun tumbuh-tumbuhan. Islam juga tidak membenarkan penganutnya membunuh makhluk lain sesuka hati. Dalam Islam, haiwan tidak boleh dibunuh dengan sengaja tanpa alasan yang kukuh.

Namun, terdapat *nas* yang membenarkan umat Islam untuk membunuh haiwan-haiwan tertentu. Hal ini kerana sesetengah haiwan tersebut melakukan kerosakan, bahkan sehingga mengancam nyawa manusia. Di dalam *nas*, ia disebut dengan istilah haiwan *fasiq* iaitu haiwan perosak yang boleh membawa *mudarat* dan bahaya kepada manusia. Ini sepertimana dalam sebuah hadith yang diriwayatkan daripada Aisyah R.Anha, Nabi SAW bersabda:

خَمْسٌ فَوَاسِقٌ يُفْتَلَنَ فِي الْحَرَمِ الْفَأْرَةُ وَالْعَقْرَبُ وَالْحَدْيَا وَالْعُرَابُ وَالْكَلْبُ الْعَقُورُ

[Sunan al-Nasa'i: Kitab Manasik al-Hajj, Bab Qatl al-Hid'at fi al-Haram, no. Hadith 2890]

Maksudnya:

“Lima haiwan *fasiq* dan boleh dibunuh di tanah haram iaitu: tikus, kala jengking, burung helang, burung gagak, dan anjing gila atau ganas.”

Kelompok haiwan *fasiq* tidak terhad kepada haiwan yang disebutkan dalam riwayat sahaja (iaitu tikus, kala jengking, gagak, helang, cicak, ular dan anjing). Mereka turut memasukkan spesies haiwan lain seperti lipan, serigala dan harimau malah semua haiwan yang bersifat memusuhi manusia atau haiwan ternakan, menjejaskan kesihatan atau hasil tanaman dalam kategori “haiwan *fasiq*”. Pendapat ini juga disokong oleh para pendokong mazhab Syafie, Maliki, Hanafi dan Hanbali (*Ibn Hajar al-‘Asqalani*, 2006).

Walau bagaimanapun, lima jenis haiwan *fasiq* merujuk kepada lima jenis haiwan iaitu tikus, kala jengking, burung gagak, burung helang dan anjing gila. Namun haiwan perosak tidak terhad pada lima jenis haiwan tersebut. Dalam pada itu, Nabi SAW ada juga menyebutkan cicak dan ular dalam riwayat yang lain. Natiyahnya, haiwan *fasiq* menurut hadis Sunnah terdiri daripada tujuh jenis haiwan iaitu tikus, kala jengking, ular, burung helang, burung gagak, cicak dan anjing liar.

Haiwan-haiwan ini digelar haiwan *fasiq* oleh Nabi SAW kerana sifat dan keburukannya yang sering melakukan kerosakan di atas muka bumi. Islam membolehkan kelompok haiwan *fasiq* dibunuh kerana kefasikannya (sifat melampaui batas) yang mendatangkan kesan negatif terhadap manusia. Hal ini demi menjaga kemaslahatan umat Islam dari segenap aspek *mafsadah*.

### Haiwan-Haiwan Fasiq Dalam Al-Quran

Antara haiwan yang dikategorikan sebagai *fasiq* tetapi dibicarakan lebihannya dalam Al-Quran adalah haiwan burung gagak, anjing, serigala dan ular.

### 1. Burung Gagak

Burung gagak ialah binatang yang digelar *fasiq* oleh Nabi SAW, kerana kerana sifatnya sering mendatangkan kemudharatan kepada bumi. Gagak gemar mengerumuni bangkai dan tempat pembuangan sampah sebagai tempat mendapatkan makanan. Ia juga turut digelar sebagai burung pemangsa kerana memakan bangkai haiwan yang lain. Selain itu, kematian gagak juga direkodkan di dalam Al-Quran sebagai satu bentuk pedoman kepada manusia. Kematian gagak ini susulan daripada kisah pembunuhan Habil oleh saudaranya Qabil. Kisah burung gagak ini diabdikan dalam firman Allah S.W.T di dalam Surah Al-Maidah, (5:31):

فَبَعَثَ اللَّهُ غُرَابًا يَبْحَثُ فِي الْأَرْضِ لِيُرِيَهُ كَيْفَ يُورَى سَوْءَةَ أَخِيهِ ۗ قَالَ يُوبِلْتَىٰ أَعْجَزْتُ أَنْ أَكُونَ مِثْلَ هَذَا الْغُرَابِ فَأُورَى سَوْءَةَ  
أَخِي ۗ فَأَصْبَحَ مِنَ التَّائِمِينَ

Maksudnya:

*“Kemudian Allah hantarkan seekor burung gagak (menyuruhnya) mengorek-ngorek di bumi supaya, diperlihatkan kepada (Qabil) bagaimana cara menimbus mayat saudaranya. (Qabil) berkata: “Wahai celakanya aku! Alangkah lemah serta bodohnya aku, aku tidak tahu berbuat seperti burung gagak ini, supaya aku dapat menimbuskan mayat saudaraku?” Kerana itu menjadilah ia dari golongan orang-orang yang menyesal.”*

### 2. Anjing

Anjing menurut Kamus Dewan Edisi Keempat bermaksud binatang yang menyalak sama ada yang liar ataupun yang dipelihara untuk menjaga rumah dan sebagainya. Anjing dikenali dengan sifat bengis dan ganas. Terdapat beberapa jenis anjing, dan semua hukumnya adalah sama. Semua jenis anjing, baik yang liar mahupun yang jinak hukumnya haram dan najis (Masykur, 2016). Sekiranya anjing mendatangkan mudarat dan bahaya kepada manusia, ia boleh dibunuh.

Dalam Al-Quran, ada disebutkan anjing di beberapa tempat. Antaranya kisah *Ashab* al-Kahfi bersama anjing mereka. Dinyatakan dalam surah al-Kahfi tentang kisah anjing yang dinamakan Qitmir diabadikan oleh Allah SWT dalam firman-Nya Surah Al-Kahfi, (18:18):

وَتَحْسَبُهُمْ آيِقًا وَاللَّهُمُّ رُفُودٌ ۗ وَنُقَلِّبُهُمْ ذَاتَ الْيَمِينِ وَذَاتَ الشِّمَالِ ۗ وَكَلْبُهُم بَاسِطٌ ذِرَاعَيْهِ بِالْوَصِيدِ ۗ لَوِ اطَّلَعْتَ عَلَيْهِمْ لَوَلَّيْتَ مِنْهُمْ فِرَارًا وَلَمُلَمْتَ مِنْهُمْ رُعبًا

Maksudnya:

*“Dan engkau sangka mereka sadar, padahal mereka tidur; dan Kami balik-balikkan mereka dalam tidurnya ke sebelah kanan dan ke sebelah kiri; sedang anjing mereka menghulurkan dua kaki depannya dekat pintu gua; jika engkau melihat mereka, tentulah engkau akan berpaling melarikan diri dari mereka, dan tentulah engkau akan merasa sepenuh-penuh gerun takut kepada mereka.”*

### 3. Serigala

Kamus Dewan Edisi Keempat mendefinisikan serigala sebagai sejenis binatang liar rupanya seperti anjing dan berwarna kuning kekelabu-kelabuan. Serigala hidup dan memburu dalam kumpulan dan disebut sebanyak dua kali dalam Al-Quran ketika menceritakan kisah nabi Yusuf. Dalam rangkaian kisah ini diceritakan bagaimana kekhuatiran Nabi Ya'qub akan keselamatan Yusuf keluar bermain di luar (Yusuf/12:13) keupayaan saudara-saudaranya meyakinkan Ya'qub untuk mereka mengajak Yusuf bermain (Yusuf/12:14) dan laporan palsu mereka tentang kematian Yusuf akibat dibaham serigala seperti dalam Surah Yusuf, (12:13):

قَالَ إِنِّي لَيَحْزُنُنِي أَنَّ تَذْهَبُوا بِهِ وَأَخَافُ أَنْ يَأْكُلَهُ الذِّئْبُ وَأَنْتُمْ عَنْهُ غَافِلُونَ

Maksudnya:

*“Berkata Ya'qub: “Sesungguhnya kepergian kamu bersama Yusuf amat menyedihkanku dan aku khuatir kalau Dia dimakan serigala, sedang kamu lengah dari padanya” Mereka berkata: “Jika ia benar-benar dimakan serigala, sedang kami golongan (yang kuat), Sesungguhnya kami kalau demikian adalah orang-orang yang merugi.”*

قَالُوا لَئِنْ أَكَلَهُ الذِّئْبُ وَنَحْنُ عُصْبَةٌ إِنَّا إِذًا لَكٰٔسِرُونَ

Maksudnya:

*“Sesungguhnya mereka berkata, “Jika dia dimakan serigala, padahal kami golongan (yang kuat), kalau demikian tentu kami orang-orang yang rugi.”*

### 4. Ular

Ular adalah reptilia yang panjang dan bersisik. Tulang ular sangat keras dan hanya dapat dibengkokkan sedikit (Quraish Shihab, 2004). Ular cukup banyak disebut di dalam Al-Quran. Terdapat empat ayat yang menyebutkan tentang ular. Kebanyakan ayat-ayat tersebut berkait dengan kisah mukjizat yang dianugerahkan Allah kepada Nabi Musa.

Kisah mukjizat mengubah tongkat menjadi ular ada tertulis dalam ayat Al-Quran tentang mukjizat Nabi Musa, Al-A'raf ayat 104-107. Dalam surah tersebut diceritakan bahawa Nabi Musa diutus oleh Allah SWT untuk menunjukkan bukti kepada Firaun. Firaun juga mencabar Nabi Musa untuk menunjukkan bukti jika dia benar-benar utusan Allah SWT. Nabi Musa pun melemparkan tongkatnya dan tiba-tiba tongkat itu bertukar menjadi ular besar.

## Haiwan-Haiwan Fasiq Menurut Hadith

Terdapat enam jenis haiwan *fasiq* yang disebut di dalam hadith iaitu tikus, kala jengking, burung helang, burung gagak, anjing liar dan ular. Nabi SAW bersabda:

حَمْسٌ فَوَاسِقٌ يُقْتَلْنَ فِي الْحَرَمِ الْفَأْرَةُ وَالْعُقْرَبُ وَالْحَدْيَا وَالْعُرَابُ وَالْكَلْبُ الْعُقُورُ

[Sunan al-Nasa'i: Kitab Manasik al-Hajj, Bab Qatl al-Hid'at fi al-Haram, no. Hadith 2890]

Maksudnya:

“Lima jenis haiwan yang tiada ganjaran (denda) bagi sesiapa yang membunuhnya di tanah haram dan tanah halal: kala jengking, tikus, burung helang, gagak dan anjing liar.”

Kesemua haiwan *fasiq* tersebut memiliki sifat *zalim* yang mengancam kesejahteraan hidup, Abu al-Tayyib Muhammad Syams al-Haq al-'Azim Abadi, 1968). Haiwan-haiwan *fasiq*, atau dalam bahasa mudahnya, ia bermaksud “haiwan perosak” iaitu haiwan-haiwan yang melanggar Sunnatullah sebagai makhluk yang sepatutnya tunduk kepada pemerintahan manusia sebagai khalifah Allah SWT dan menambah kemusnahan di muka bumi.

Nabi SAW menyebut hubungan antara tikus, cicak dan haiwan lain sebagai *fasiq*, yang hanya merupakan bentuk perumpamaan kepada aspek kemudaratan yang disebabkan oleh haiwan berikut. Imam Ibn Daqiq al-Aid berkata: “Memperlakukan hukum (disebut *fasiq*) pada semua haiwan yang mempunyai sifat mengganggu (membahayakan manusia)” merupakan pandangan yang kuat menurut ulama qias. Ini jelas menurut isyarat *nas* yang membolehkan membunuh kelompok haiwan tertentu, kerana sifatnya yang *fasiq*, yakni melampaui batas.”

Oleh itu, faktor utama haiwan yang berkaitan dengan istilah “*fasiq*” berkait rapat dengan sifat “gangguan”, “menyebabkan bahaya” dan “melebihi had” haiwan tertentu kepada manusia. Imam al-Nawawi menyatakan bahawa haiwan tertentu disebut *fasiq* kerana keluarnya hanya mengganggu dan menyebabkan kerosakan pada jalan yang biasanya dilalui oleh haiwan tunggangan (Yahya bin Sharaf Al-Nawawi, 1930).

i. Hadith yang menyebutkan tikus dan keburukannya.

مَرُّوا الْآيَةَ، وَأَوْكُوا الْأَسْقِيَةَ، وَأَجِيفُوا الْأَبْوَابَ، وَاكْفِتُوا صَبِيَانَكُمْ عِنْدَ الْعِشَاءِ، فَإِنَّ لِلْجِنَّ انْتِشَارًا وَخَطْفَةً، وَأَطْفِئُوا الْمَصَابِيحَ عِنْدَ

الرَّقَادِ، فَإِنَّ الْفُؤَيْسِفَةَ رُبَّمَا اجْتَرَّتِ الْقَتِيلَةَ فَأَحْرَقَتْ أَهْلَ الْبَيْتِ ". قَالَ ابْنُ جُرَيْجٍ وَحَبِيبٌ عَنْ عَطَاءٍ فَإِنَّ لِلشَّيَاطِينِ.

[Sahih al-Bukhari: Kitab Bad'al-Khalq, Bab idha Waqa'a al-Dhubab fi Shirab Ahadikum Falyaghmishu Fainna fi Ahad Janahaihi Da' wa fi al-Akhar Shifa' wa Khams min al-Dawab Fawasiq Yaqtulna fi al-Haram, no. Hadith 3316}, {Kitab al-Ist'dhan, Bab la Tatrak al-Nar fi Al-Bayt 'Ind al-Naum, no. Hadith 6295]

Maksudnya:

“Tutuplah bekas-bekas makanan kamu, lindungilah bekas-bekas minuman kamu, tutuplah pintu-pintu, (kurunglah) suruh anak-anak kamu masuk ketika waktu malam, ini kerana jin berkeliaran (pada waktu malam) dan tutuplah jendela-jendela kamu, (berwaspadalah kamu), ini kerana “*al-fuwaisiqah*” (tikus) mungkin akan membawa kain untuk cuba membakar rumah dan orang yang ada di dalamnya.” Ibn Juraij dan Habib turut meriwayatkan dari „Ata” tambahan: “Sesungguhnya itu adalah syaitan.”

ii. Hadith yang menyebutkan kala jengking dan keburukannya.

Kala jengking adalah haiwan berbahaya dan merupakan salah satu arthropoda manusia yang terkenal dan tidak jarang dipelihara sebagai haiwan peliharaan eksotik. Sengatannya berbisa dan mampu membawa maut kerana memiliki racun yang cukup mematikan pada bahagian sengatan belakangnya sebagai alat perlindungan dirinya, yang mana kita perlu berwaspada. - “*al-Aqrab*” merujuk kepada kala jengking, sama ada jantan atau betina (Ibnu Manzur dan al-Azhari, 1996). Antara hadith berkaitan bahaya kala jengking:

لَعَنَ اللَّهُ الْعُقْرَبَ مَا تَدَعُ الْمُصَلِّيَّ وَغَيْرَ الْمُصَلِّيِّ افْتُلُوها فِي الْحِلِّ وَالْحَرَمِ

Ibn Majah: Kitab Iqamah al-Salawat wa al-Sunnah Fiha, Bab Ma Ja’a fi Qatl al-Hayat wa al-‘Aqrab fi al-Solat, no. Hadith 1246, 1247]

Maksudnya:

Diriwayatkan daripada Aishah RA katanya: “Nabi SAW telah disengat kala jengking ketika dalam solat, Maka baginda SAW bersabda: Allah SWT melaknat kala jengking yang mendatangi orang yang sedang solat atau tidak, bunuhlah ia di tanah halal dan haram.”

iii. Hadith yang menyebutkan anjing dan keburukannya.

" لَوْلَا أَنَّ الْكِلَابَ أُمَّةٌ مِنَ الْأُمَّمِ لَأَمَرْتُ بِقَتْلِهَا فَأَقْتُلُوا مِنْهَا الْأَسْوَدَ الْبَهِيمَ "

[Sunan Abu Dawud, Kitab al-Sid, Bab fi Ittikhadh al-Kalb lil Sid wa Ghairih, no. Hadith 2845]

Maksudnya:

Diriwayatkan dari Abd Allah bin Maghfal RA katanya: Rasulullah SAW bersabda: “Kalaulah anjing bukan merupakan satu umat dari umatku, nescaya akan aku perintahkan supaya dibunuh semuanya, maka bunuhlah daripadanya (anjing) yang berwarna hitam.”

Maksud “*al-Kalb al-Aqur*” tidak terhad kepada anjing. Ini juga meliputi pemangsa lain yang mengancam dengan taringnya, seperti serigala, beruang dan harimau. Pandangan ini turut disokong oleh Zayd Aslam, Sufyan al-Thawri, Ibn ‘Uyaynah, Imam al-Shafi’i dan Imam Ahmad Yahya bin Sharf Al-Nawawi, 1930). Oleh itu, *al-Kalb al-Aqur* merangkumi anjing dan binatang buas yang lain yang memusuhi, mengancam dan menyakiti manusia.

iv. Hadith yang menyebutkan tentang burung gagak dan keburukannya.

مَنْ يَأْكُلُ الْعُرَابَ وَقَدْ سَمَّاهُ رَسُولُ اللَّهِ صَلَّى اللَّهُ عَلَيْهِ وَسَلَّمَ: "فَأَسِئًا"، وَاللَّهُ مَا هُوَ مِنَ الطَّيِّبَاتِ

Ibn Majah: {Kitab al-Sid, Bab al-Ghurab, no. Hadith 3248, 3249}

Maksudnya:

“Diriwayatkan dari Ibn Umar RA katanya, “Barangsiapa yang makan gagak, (Ketahuilah) Rasullullah SAW telah menamakannya sebagai si fasiq (jahat), Demi Allah, tiada kebaikan padanya.”. Burung gagak biasanya burung yang berwarna hitam dan ianya dikenali sebagai burung pembangkai. Gagak adalah spesies al-Abqa’ sejenis burung gagak yang disebut dalam hadis (Abu al-Tayyib Muhammad Syams al-Haq al- ‘Azim Abadi, 1968). Gagak digelar fasiq disebabkan keberadaannya membiak di persekitaran manusia dan burung gagak juga haiwan yang suka mengancam manusia dan haiwan ternakan dengan kukunya yang tajam. Nabi SAW menggunakan perumpamaan gagak yang berkelakuan buruk.

v. Hadith yang menyebutkan tentang burung helang dan keburukannya.

حَمْسٌ فَوَاسِقٌ يُفْتَلَنُ فِي الْحَرَمِ الْفَأْرَةُ وَالْعَفْرُبُ وَالْحَدْيَا وَالْغُرَابُ وَالْكَلْبُ الْعَقُورُ

[Sunan al-Nasa’i: Kitab Manasik al-Hajj, Bab Qatl al-Hid’at fi al-Haram, no. Hadith 2890]

Maksudnya:

“Diriwayatkan dari A’ishah RA, “Sesungguhnya Rasullullah SAW bersabda: “Lima jenis haiwan fasiq yang harus dibunuh di tanah halal dan haram: burung helang, burung gagak, tikus, kala jengking, tikus, kala jengking dan anjing buas.”

Helang merupakan haiwan pemangsa yang agak ganas. Paruh helang tidak bergigi tetapi mempunyai bengkok yang kuat untuk mengoyak daging mangsa. Makanan utamanya haiwan mamalia yang kecil seperti tikus, tupai dan ayam (Ahmad Ismail, 2017). Helang telah wujud sejak zaman Nabi Sulaiman AS (‘Ali bin Adam bin Musa al- Ityubi al-Wallawi, 1996). Burung helang digelar *fasiq* kerana sifatnya yang suka mencuri dari tangan manusia (Al-Qurtubi, 2006). Secara jelasnya, burung helang dewasa sahaja yang digelar *fasiq* oleh Nabi SAW, namun bagi helang yang masih kecil terkecuali kerana helang kecil tidak mampu menghadirkan sebarang ancaman kepada manusia dan haiwan ternakan.

Pengkaji memilih kajian ini kerana masih ramai yang tidak mengetahui tentang apakah haiwan *fasiq* dan kebenaran untuk membunuhnya di dalam Al-Quran dan hadis. Selain itu, kajian ini juga dapat membantu masyarakat berkaitan cara menyelesaikan persoalan yang berlaku, dengan membuktikan daripada nas Al-Quran dan As-Sunnah serta pandangan ulama berkaitan haiwan *fasiq* ini. Jadi, inilah yang mendorong pengkaji untuk menjalankan kajian mengenai perkara ini. Akhir sekali, kajian ini dapat menjawab setiap persoalan masyarakat yang sentiasa bermain di fikiran apabila melihat haiwan tersebut dan ia dapat menambahkan ilmu pengetahuan ramai orang.

## Kesimpulan

Al-Quran adalah bukti bahawa Allah menyatakan kebenaran kepada manusia melalui mukjizat. Dalam Al-Quran, bukan hanya manusia dan jin sahaja yang dibicarakan, bahkan Allah SWT juga

membicarakan tentang haiwan yang terpilih dalam Al-Quran. Ini bermaksud bahawa haiwan terpilih ini bukan hanya merupakan bahagian dari ciptaannya, tetapi juga mempunyai fungsi atau peranan tertentu dalam kehidupan manusia.

Di samping itu, haiwan-haiwan di muka bumi ini sememangnya makhluk ciptaan Allah SWT. Allah menciptakan tiap sesuatu itu pasti ada sebabnya yang tersendiri. Bukan itu sahaja, haiwan juga turut mempunyai hak-hak yang wajib dipenuhi. Haiwan dan manusia sememangnya ada perkaitan, kedua-duanya saling memerlukan antara satu sama lain. Malahan, Allah SWT mengurniakan ilham kepada haiwan yang dikehendaki-Nya untuk memberi pengajaran kepada manusia.

## Rujukan

- Abu 'Abd Allah Muhammad Ahmad al-Ansari al-Qurtubi. (2006). *Al Jami' li Ahkam al- Quran*. Beirut-Lubnan: Dar al-Kutub al- 'Ilmiyyah, 6: 41.
- Ahmad Sunawari Long, *Pengenalan Metodologi Penyelidikan Pengajian Islam*, (Bangi: UKM, 2005).
- Al-Kilani, Najib. 1997. *Adab al-Atfal Fi Daw al-Islam*. Beirut: Mu'assasah al-Risalah.
- Ibn Hajar al- 'Asqalani, *Fath al-Bari' bi Sharh Sahih al-Bukhari, (terj.)* Amiruddin et al. (Jakarta: Pustaka Azzam Penerbit Buku Islam Rahmatan, 2006), 10: 195-196.
- Ibn Manzur, Lisan al- 'Arab (Kaherah: Dar al-Ma'arif, t. t), 5: 3413-3414.
- Ibn Manzur, Lisan al- 'Arab (Kaherah: Dar al-Ma'arif, t. t), 5: 3414.
- Kerlinger, FN., *Foundations of Behavioral Research*, (New York: Holt, Rinechart and Winston, 1993)
- M. Masykur Koir. *Hayawan Halal, Haram & Kasiyat* (Kediri: Duta Karya Mandiri. 2016), p.1 96.
- M. Quraish Shihab. *Dia Dimana-mana Tangan Tuhan Di Balik Setiap Fenomena*. (Jakarta: Lentera Hati, 2004), p. 274.
- Mohd Farhan Md Ariffin (2015). "Analisis Hadith Mengenai Haiwan Fasiq dalam al-Kutub al-Sittah". Akademi Pengajian Islam. Universiti Malaya. Kuala Lumpur.
- Mohd Shaffie Abu Bakar, *Metodologi Penyelidikan*, (Bangi: UKM, 1987).
- Nawi Abdullah Azhar Harun, *Metodologi Penyelidikan Ekonomi dan Sains Sosial*, (Singapura: Thompson Learning, 2003).
- Noresah Baharom et al., *Kamus Dewan, ed. ke-4* (Kuala Lumpur: Dewan Bahasa dan Pustaka, 2005), 451.
- Rusinah binti Joned. 2010. *Metodologi Penyelidikan*. Serdang: UPM Holdings SDN BHD. 44.
- Shalih bin Fauzan, 2015. *Aqidah al-Tauhid*, (Riyad: Dar al-Qasim li al-Nasyr) h. 92.
- Sheikh Thaha Abdur Ra'uf Sa'ad dan Sa'ad Hasan Muhammad Ali, *Qabil & Habil: Kisah Orang-Orang Zhalim* (Yogyakarta: Mitra Pustaka, 2004), 31.
- Sulaiman Masri, *Kaedah Penyelidikan dan Panduan Penulisan*, (KL: Utusan Publications & Distributors Sdn. Bhd., 2003).
- Yahya Ibn Sharf al-Nawawi, (1930). *Al-Minhaj Sharh Sahih Muslim*, Mesir: Dar Ihya' al-Turath al-'Arabi, 14: 236-237.
- Yunasril Ali, 'Fasik' dalam *Ensiklopedia Islam*, ed. Nina M. Armando, et al. vol. 2, h. 146- 147.
- Zulkifly Mohd Yusoff, *Kamus al-Qur'an* (Kuala Lumpur: PTS Publications & Distributors Sdn. Bhd, 2013), 542.
- Md Ariffin, Mohd Farhan (2015). *Analisis hadith mengenai haiwan fasiq dalam al-Kutub al-Sittah: Kajian terhadap persepsi masyarakat Melayu di Daerah Pengkalan Hulu, Perak*. Master's thesis, University of Malaya. In *UM Students' Repository*. <http://studentsrepo.um.edu.my/5322/>